

Gaurkotasan politikoaz eta Lopezen gobernuaz dihardu Aintzane Ezenarro Aralarko legebiltzarkideak. Legez kanporatutako ezker abertzalearen hausnarketa prozesuaren gainean esan du "aurrerapauso handia" dela Mitchellen printzipioak onartzea. Orain ETArri "armak utz ditzala eskatzea" falta zaiela. Lopezen jardunaz dio "etengabeko inprobisazioan" diharduela.

Aintzane Ezenarro > Aralarko legebiltzarkidea

"Gehiengoak nahi duen aldaketaren kontrakoa egiten dihardu Lopezek"

ENENKO AZKARATE > BERGARA

Bergaran egon da martitzenean berbaldia egiten, Mikel Basabe alderdikide eta legebiltzarkidearekin batera. Aintzane Ezenarro (Getaria, 1971) dio gustatzen zaio la ibiltzea herririk herri, jendearekin bertatik bertara egoteko. Gaurkotasan politikoaz jardun dugu harekin.

Zelan hartu duzu Arnaldo Otegi Auzitegi Nazionalak jarritako zigorra?

Terrorismoaren gorazarre egitea ez da delitu herrialde demokratiko aurreratuetan. Baina hemen, ezohiko legeak daukagu... Estatuaren aldetik, bada asmo bat Batasunaren inguruko eztabaida prozesuan beste oztopo bat jartzeko. Hori horrela baldin bada ere, justu kontrakoa egin behar da: oztopo bat baldin bada, ez daitezela joko horretan erori eta aurrera egin dezatela.

Ze balorazio egiten duzu legez kanporatutako ezker abertzaleak egin duen hausnarketa prozesuaren ondorioen gainean?

Prozesuaren abiapuntua asmo zintzoez egindakoa dela iruditzen zait. Indarkeria estrategia onartzetik edo, gutxienez, modu kritikoa ikustetik, bide politiko soilen aldeko apustua egitera pasatzea. Eta eztabaida prozesuaren ondorioak ikusita, Mitchellen printzipioak onartzea aurrerapauso handia da. Mitchell dio, besteak beste, indarkeriari eta indarkeriaren mehatua erabiltzeari uko egin behar zaiola eta hori Batasunak bere egitea positiboa da. Orain, iruditzen zait horrek beste ondorio batzuk ekarri behar dituela: ETArri eskatzea bide bera har dezala eta Mitchellen printzipioak bere egin ditzala. Ez zait iruditzen uesteko edo balizko atentatu baten zain egon behar denik atentatu horren aurrean ze posizio hartu behar duten ikusteko. Edo ETAK armak uzte ditu edo Batasunak eskatzen dio ETArri bide hori har dezala. Hori oraindik ez da eman eta espero dut lehenbailehen gertatzea.

Ze iritzi daukazu joan zen astean aurkeztu zen Independentistak plataformaren gainean?

Formetan huts egin eta edukietan atzera egin dute. Plataforma hau bultzatu dute EA eta Batasuneko pertsona ezagunek.

Testu bat adostu eta, ondoren, Alternatibari eta geuri aurkeztu digute. Aralar eta Alternatiba ere gonbidatu dituzte bat egitera guretao nahikoa ez den testu itxi batekin. Aralarrekin harremanak nahi dituenak, elkar errespetutik eta errekonozimendutik abiatu behar da eta ez da hori gertatu kasu honetan. Bestetik, edukari dagokionez, zapatuan irakurri zuten testuarekin, Batasunaren Zutik Euskal Herria testua baino atzerago joan dira. Kezkagarria iruditzen zait. Testu horretan ETArri egiten zaien aipamen bakarra da: "Ez gaude ETArren aginduetara eta ETA ez dadila izan aitzakia independentisten elkarlanerako". Baina, ETA bada oztopo independentisten elkarlanerako, ez aitzakia. Esan beharrean ETArri Mitchell printzipioekin bat egin ezazu, esaten zaigu besteoi ETA ez dadila izan aitzakia. Ez dut ulertzen zertara datorren zapatuko Independentistak taldearen testu hori. Harriduraz hartu dut. Ateak irekita daukagu elkarlanerako, baina printzipio argiekin. Esaterako, hauteskondeei begira baldin bagaude, ezker abertzale eta bakezalea, indarkeriaren kontrakoa. Bestetik, abertzale guztion elkarlana beharrezkoa da, inor baztertu barik.

Uste duzu legez kanporatutako ezker abertzalea ordezkatuta egongo dela hurrengo hauteskundeetan?

Nahiko nuke. Hala behar duelako. Ez orain, barne prozesua egin dutelako, baizik eta herritarrok garelako ipini behar dugunok aukera bat edo bestea, bere tokian, ez Alderdi Legeak.

Patxi Lopezek 10 hilabete egin ditu Jaurlaritzan. Zelan baloratzen duzu sozialistek egindakoa lana?

Ezaugarri nagusia da inprobisazioa. Sortu zen kanpainan esandakoaren kontra, hau da, berba janz; joko arauak truka-tuz, sektore bat kanpoan utziz; eta, gizaratearen gehiengoak eskatzen zuen aldaketaren kontrakoa eginez. Gobernu hau da, trantsizioaz geroztik, kontrakotasun gehien sortzen duen euskal gobernua. Nahiz eta PSE-EEK eta PPK esan, behin eta berriz, aldaketa egon dela gizarateak aldaketa eskatzen zuelako. Programarik ez duen gobernu batean aurrean gaude. Inprobisazio permanente batean. Hedabideei begira dago



Aintzane Ezenarro, Bergaran, martitzenean.

JULEN IRIONDO

INDEPENDENTISTAK

"Ez dut ulertzen zertara datorren zapatuko Independentistak taldearen testu hori"

DONOSTIAKO METROA

"Jendeak ez du sekula eskatu metrorik Donostiarako; ez da eskari sozialik egon"

gobernatzen eta ez legebiltzarren programa eztabaidatuz. Kri-siari aurre egiteko, esaterako, ez du neurririk planteatu.

Aholku batzordearen gainean zer iritzi?

Hori da inprobisazioaren beste adibide bat; Aholku batzordea osatu du, kideen izenak filtratu ditu hedabideen bidez. Eta ez dago ia emakumezkoirik eta epresari eta bankako gizonak daude batik bat. Ustez, ezkerreko alderdia den gobernuak lan-gileen ordezkaritza bi bakarrik dau-

ka ahokulari moduan, UGTko eta CCOOko bana. Lotsagarria.

ETB berria gustuko duzu?

Egia esan, ez naiz oso telebistazalea, edo, hobeto esanda, ez daukat astirik telebista ikusteko. Baina, ikusi dudana gaitik, oraingo ETB ez dut batere gustuko. Nafarroan ETB ikustea arriskuan dago, tertuliakide guztiak arrotzak egiten zaizkit, Erregearen diskurtsoa... Ikurren Euskal Herria egitea leporatzen ziguten abertzaleoi eta gureak ez diren ikurrak sartzeko ahalegintan dabilta etengabe. Ondorioa da audientzien beherkada. Albigetieki dagokionez, eduki politikoak kendu nahi dituzenez, hasierako informazio gutzia da eguraldia, Afganistan... eta hemengo politika kontuak zapigarraren albiste dira. Ez dute eztabaida politikorik nahi eta espainolen ikurrak sartzeko dituzte. Normalizazioaren izenean. Aldaketa egin dute ikurren bidez.

Debagoieneko tranbia atzertatu egingo da, edo, okerrenean, behin betiko agur esan beharko diogu. Zer deritzozu?

Beti egon gara Debagoieneko tranbiaren alde eta hainbat galdara egin ditugu Legebiltzarrean, baina ikusi dugu Arriola Garraio sailburua gaia luzatzen dabilela, harendako ez dela lehen-tasunezkoa. Proiektuak alegazio asko jaso dituela eta horiei erantzuteko astia behar duela esan du. Aitzakia hutsa.

Donostiarako metroa, ostera, lehentasunezkoa...

Hauteskondeei begira dago, Arriolak bere burua aurkeztuko duelako, seguruen, diputatu nagusi izateko. Alderdi sozialistak irudikatu nahi du haiek gobernuan daudenean bakarrik bultzatzen diren inbertsioak Gipuzkoan. Diote orain arte Bizkaia joan direla inbertsiorik nagusiak eta nahi dute irudikatu Gipuzkoaren alde daudela, haiei esker egingo direla azpiegitura handiak. Bultzatu nahi duten lurraldeen arteko borroka horren aurka nago. Donostiako metroak ez dauka ez bururik ez hankarik planteatzen dabilten moduan. Oraingo tren sarea egokitu eta hobetu beharko litzateke. Jendeak ez du sekula eskatu metrorik Donostiarako. Ez da eskari sozialik egon. Zerutik bezala erorita jarri ziguten proiektua. Harrigarria da.